



## МУНОСАБАТ

### Қўлни-қўлга бериб, юрт истиқболи учун қадам ташлаймиз

Янги йил — бу бир кунда ўтадиган байрам ёки оила, яқинлар даврасида нишонланадиган тантанагина эмас. Янги йил — бу ҳар бир инсон учун ўтаётган умрининг сарҳисоби, янги мақсадлар, улғайиш, камолот сари қўйилган қадамдир.

Давлатимиз раҳбарининг халқимизга янги йил табригида таъкидлаганидек, жаҳондаги мураккаб вазиятга қарамасдан, ўтган йил мамлакатимиз учун кутли ва баракали бўлди. Бунинг учун ҳар қанча шукрона айтсак, арзийди. Табрикнинг бутун мазмун-моҳияти айниқса, "инсон қадри учун, инсон бахти учун!" деган олижаноб мақсадни барчамиз биргаликда амалга оширамиз", деган даъватли жумлалар партия ташкилотларимиз ва депутатларимизни юртимиз тараққиёти йўлидаги эзгу ишларда янада фаол бўлишга чорламоқда. Бу улар томонидан билдирилаётган муносабатларда ҳам ўз ифодасини топомқда.

2 САҲИФАДА

## "Янги ўзбекистон армияси - мамлакат таянчи, халқимиз фахри!"

### ССВ: МЕТАПНЕВМОВИРУС ЯНГИ КАСАЛЛИК ЭМАС. ОРТИҚЧА ХАВОТИРГА ҲОЖАТ ЙЎҚ

Сўнгги кунларда ОАВ ва ижтимоий тармоқларда дунёнинг қатор мамлакатлари бўйлаб метапневмовирус инфекцияси авж олаётгани ҳамда ушбу хасталик COVID-19дан ҳам хавфлироқ эканлиги ҳақида хабарлар тарқалмоқда.

ССВга кўра, метапневмовирус аввалдан маълум инфекция бўлиб, биринчи марта 2001 йилда аниқланган. Бу инфекция одатда бурун оқиши, йўтал ва иситма белгилари билан, худди ўткир респиратор вирусли инфекциялар шаклида пайдо бўлади, баъзи ҳолларда бронхиолит ва пневмонияни келтириб чиқаради.

Мазкур вирус билан хасталаниш ҳолатлари дунёнинг барча минтақаларида ҳар йили қайд этилади. Метапневмовируснинг куз-қиш даврида янада фаоллашуви кузатилади.

Ўзбекистонда ҳам айни вақтда ўткир респиратор инфекцияларнинг мавсумий кўтарилиши кузатилаётганда. Юртимизда уларнинг лаборатория текширувлари мунтазам амалга ошириб келиняпти ва ана шундай текширувларнинг 39,9 фоизда грипп вируси, 32,2 фоизда риновирус, 30,6 фоизда респиратор-синцитиал вирус ва 1,2 фоизда метапневмовирус аниқланган.

### БАРЧАСИ ИНСОН УЧУН!

Ўтган йил қорақалпоғистон учун чин маънода баракали ва тарихий воқеаларга бой йил бўлди. Йил давомида қатор йирик лойиҳалар, янги sanoat корхоналари, туризм масканлари, энергетика қувватлари, IT парк ишга туширилгани фикримизни сўзсиз исботлайди.

Айниқса, йил бошида амударё узра қорақалпоғистонни ҳоразм билан боғлайдиган, узунлиги 423 метр бўлган янги автомобиль ва темир йўл кўпригининг фойдаланишга топширилгани халқимизда чексиз қувонч, фахр ва ифтихор туйғуларини уйғотди.



4-5 САҲИФАЛАРДА

### ҚОНУН БИР МУАММОНИ ҲАЛ ҚИЛИБ, БОШҚАСИНИ ЯРАТМАСЛИГИ КЕРАК

Янги йилнинг биринчи душанбаси. Олий мажлис қонунчилик палатасида ҳафта қонун лойиҳаларининг қизгин муҳокамаси билан бошланди. Дастлаб лойиҳалар партиялар фракцияларининг йиғилишларида кўриб чиқилди. Ўзбекистон халқ демократик партияси фракцияси аъзолари айрим масалалар аллақачон ўзгариш талаб қилаётганини таъкидласа, баъзи меъёрларни кераксиз деб баҳолаб, ўз эътирозларини ҳам билдирди.

3

➤ БУГУНГИ СОНДА



ОКМК: ЭКСПОРТ ГЕОГРАФИЯСИ КЕНГАЙМОҚДА

8



2 МИЛЛИАРДДАН ЗИЁД АҲОЛИ САЙЛОВЛАРДА ҚАТНАШГАН

7



# ҚЎЛНИ-ҚЎЛГА БЕРИБ, ЮРТ ИСТИҚБОЛИ УЧУН ҚАДАМ ТАШЛАЙМИЗ

янги йил — бу бир кунда ўтадиган байрам ёки оила, яқинлар даврасида нишонланадиган тантанагина эмас. янги йил — бу ҳар бир инсон учун ўтаётган умрининг сарҳисоби, янги мақсадлар, улғайиш, камолот сари қўйилган қадамдир. давлатимиз раҳбарининг халқимизга янги

йил табригида таъкидлаганидек, жаҳондаги мураккаб вазиятга қарамасдан, ўтган йил мамлакатимиз учун қўтли ва баракали бўлди. Бунинг учун ҳар қанча шукрона айтсак, арзийди. Табрикнинг бутун мазмун-моҳияти аниққас, "инсон қадрини, инсон бахтини учун!" деган олижаноб мақсадни

барчамиз биргаликда амалга оширамиз", деган даъватли жумлалар партия ташкилотларимиз ва депутатларимизни юртимиз тараққиёти йўлидаги эзгу ишларда янада фаол бўлишга чорламоқда. Бу улар томонидан билдирилаётган муносабатларда ҳам ўз ифодасини топмоқда.

## ЯХШИ ВА БАРАКАЛИ ЙИЛ БЎЛСИН



**Қизилгүл ҚОСИМОВА,**  
Олий Мажлис Қонунчилик палатасидаги Ўзбекистон ХДП фракцияси аъзоси:

— Айни пайтда биз 2024 йилнинг сарҳисобини, нималарга эришдик-у қайси имкониятларни бой бердик, деб мулоҳаза қиладиган, хатолардан хулоса чиқариб, янги режалар тузадиган бир палладамиз. Бу фикрлар давлатимиз раҳбарининг халқимизга йўлаган табригида ҳам алоҳида қайд этилди. Шу ўринда айтиш керакки, 2024 йил юртимиз сиёсий ҳаётида тарихий сана сифатида ўрин олди. Иқтисодий ва ижтимоий соҳаларда қатор ютуқ ва марраларга эришилди.

Биргина соғлиқни сақлаш соҳасини оладиган бўлсак, бу йўналишга 5-6 йил аввалгига нисбатан 6 баробар кўп малбағ ажратилди. Яъни, қарийб 33,4 триллион сўм соҳани ривожлантириш, аҳоли саломатлигини сақлаш учун йўналтирилди. Тиббиёт муассасаларининг моддий-тех-

ник базаси янгиланди, замонавий тиббиёт муассасалари барпо этилди, тизим маҳаллага, одамларга яқинлаштирилди. Марказий Осиёда ягона бўлган Республика ихтисослаштирилган онкология ва радиология илмий-амалий тиббиёт маркази янги мажмуада иш бошлади. Буларнинг барчаси айтишга осон, холос. Амалга ошириш учун эса жасорат, ташаббус ва албатта катта маблаг зарур.

Бу каби ижобий натижаларни ҳар бир соҳада кўришимиз мумкин. Президент табригида 2025 йилги режа ва мақсадлар ҳам аввалгисидан кам эмаслигига эътибор қаратилди. Хусусан, Атроф-муҳитни асраш ва "яшил иқтисодиёт" йилида асосий мақсад — инсон ва табиат мувозанатига асосланган тизим яратишдан иборат экани таъкидланди. Табиийки, бунинг учун кўп ишларни амалга ошириш зарур. Янги йил бу янги имкониятлар демакдир.

Муҳими, жорий йилда ҳам ижтимоий соҳалар, иш ҳақи, пенсия ва стипендиялар, нафақалар миқдорини ошириб борилишига алоҳида ургу берилди. Аҳолининг саломатлигини сақлаш ва ёшларнинг таълим олиши учун шароитлар кенгайтирилиши қайд этилди.

Юртимизда бундай кенг қўламли мақсадларнинг самарали амалга оширилишига ҳисса қўшиш учун албатта энг аввало, ҳар бир шахс ўз олдига вазифалар белгилаб олиши зарур. Биз ҳам депутат сифатида ўз олдимизга қатор масалаларни қўйганмиз. Қонун ижодкорлиги йўналишида ҳам ташаббусларимиз бор. Уйлайманки, янги йилимиз яхши ва баракали йил бўлади.

## ЖАМИЯТНИ ҲАРАКАТГА ЧОРЛАБ, КЕЛАЖАККА ИШОНЧ УЙФОТАДИ



**Зулфия ТҮЙЕВА,**  
Ўзбекистон ХДП Бухоро вилоят кенгаши раиси:

— Давлатимиз раҳбарининг байрам табригида 2024 йилдаги ортага қайтмас ислохотлар, ҳар бир муҳим йўналишга тўхталиб ўтилди. Шу билан бирга, жорий йилда олдимизда турган энг устувор масалаларга эътибор қаратилди. Зеро, илгарй сурилган ғоялар ва ундовлар жамият учун фойдали, манфаатли ва долзарб саналади. Чунки, келажак учун қўйилган аниқ мақсадлар ва вазифалар барчамизга янгиша шижоат бағишлайди.

Қайд этиш керакки, дунёда таҳликали вазият ҳукми сураётган бир даврда миллий иқтисодиётимизда ўсишлар, ривожланиш давом этмоқда. Бу ўз навбатида соҳалар кесимида янги ютуқларга ҳам йўл очаяпти. Шу билан бирга, жаҳон аренасидаги нуфузимизни янада мустаҳкамлашга, ўзбекнинг кимлигини кўрсатишга имкон бермоқда. Буларнинг барчаси аниқ ва мақсадли ташаббуслар натижасидир. Қолаверса, инсон

манфаати ҳар нарсадан устун деган асосий ғояга йўғрилган ислохотлар халқимиз фаровонлиги ва тинчлигига хизмат қилмоқда.

2024 йилги сайловлар мамлакатимизда демократик тамойилларни янада мустаҳкамлашга қаратилган муҳим воқеа сифатида тарихдан жой олди. Жараёнлар очкилик, шаффолик ва халқнинг эркин иродасини ифода этиш тамойилларига асосланган ҳолда ўтгани, демократик ислохотларнинг янги босқичига қадам қўйганимизни кўрсатиб берди. Сайловларда аҳолининг фаол иштирок этиши, партиялар ва номзодлар ўртасидаги соғлом рақобат муҳити, фуқароларнинг сиёсий маданиятининг ўсганини кўрсатди. Бу жараён давлат ва жамият ривожланишида ҳар бир фуқаронинг ўрни, масъулияти муҳим эканини яна бир бор тасдиқлади.

Шунингдек, сайловларда қабул қилинган янги сиёсий жараёнлар ва ислохотлар халқ билан давлат ўртасидаги ишонччи янада мустаҳкамлашда муҳим аҳамият касб этди. Бу жараёнларда ёшлар, хотин-қизлар ва фаол фуқароларнинг ҳамкорлиги кучайди. Буларнинг барчаси мамлакатимизда демократик кадрларни чуқурлаштириш ва барқарор ривожланишни таъминлаш йўлида янги имкониятларни яратди.

Бундан ташқари, иқтисодиёт, таълим, тиббиёт ёки маданият соҳаларига оид таъкидланган мақсадлардан ушбу соҳаларда қўйилган ўзгаришларни тасаввур қилиш қийин эмас. Президентимизнинг Янги йил табриги халқимизда юрт тараққиёти ва ўз келажигига бўлган ишонччи янада орттирди, десак тўғри бўлади.

## ДАВЛАТИМИЗ РАҲБАРИНING ДАЪВАТИ БИЛАН



**Махсуд САЪДУЛЛАЕВ,**  
Ўзбекистон ХДП Амударё туман Кенгаши раиси, туман Кенгашидаги партия гуруҳи раҳбари:

— Президентимизнинг Янги йил табригида "Олий Мажлис ва маҳалли Кенгашларга бўлиб ўтган сайловлар демократик ислохотларнинг янги даврига қадам қўйганимизни яна бир марта тасдиқлади", дея таъкидланди. Ҳақиқатан ҳам ўтган сайловларда сиёсий партияларнинг дастури ҳам, ғоялари ҳам бир-бирдан фарқ қилди. Турли сиёсий мафқуралар кураши кўзга ташланди.

Сайловлар натижасига кўра, халқ депутатлари Амударё туман Кенгашидаги 25 та ўринга партиямиздан 6 нафар депу-

тат сайланди. Қисқа вақт ичида янгидан сайланган депутатлар билан партиянинг Ҳаракат дастурида белгиланган масалаларни депутатлик гуруҳида ўргандик. Доимий комиссиялар ва сессия кун тартибига олиб чиқиб, партия электорати манфаатларига дахлдор қарорлар қабул қилинишига эришидик. Депутатларнинг ўз сайловчилари билан учрашувлари қўлами ва самардорлиги ортди. Буларнинг барчасига давлатимиз раҳбарининг "депутат ва сенаторларни ўзлари сайланган ҳудуддаги муаммолар тегишли вазирлик ва ҳокимликлар томонидан қай даражада ҳал этилаётганини доимий ўрганиб, назорат қилиб боришга чақираман", деган даъвати кучли туртки бўлди. Сиёсий партиялар ва депутатлар олдига турган муҳим вазифалар маълум. Яъни, электоратимизни ўйлантираётган масалаларни ўрганиш, аҳолини турмушини янада яхшилаш бўйича тақлифлар бериш, турли дастурлар, меъёрий-ҳуқуқий ҳужжатлар ижроси устидан назорат ўрнатилган иборат. Умуман, халқнинг ёнида бўлиш, уларнинг номидан гапириш ва фаолиятимизни ҳам халқ манфаатлари йўлида ташкил этиш олий бурчимизга айланмоғи зарур. Ўз навбатида, Президентимиз томонидан ўртага ташланган энг долзарб ва халқчил ташаббуслар, муҳим тақлифлар, белгилаб берилган ҳаётий вазифаларнинг мазмун-моҳиятини сайловчилар, электоратимиз вакилларига етказишда доим фаол бўлишимиз талаб этилади.

## ЯНГИ ЎЗБЕКИСТОН ҒОЯСИ РЕАЛ ВОҚЕЛИККА АЙЛАНМОҚДА



**Дониёрбек ЖУМАБОВЕВ,**  
"UZAUTO MOTORS" АЖ транспорт бўлими таъминотчиси, Ўзбекистон ХДП бошланғич ташкилоти етакчиси:

— Президентимизнинг Ўзбекистон халқига Янги йил табригида айтган фикрлари албатта 2025 йилги ишларимизда дастуруламал бўлади. Табрикда "Янги Ўзбекистон ғояси реал воқеликка айланмоқда", деган сўзларнинг исботини ўз яшайётган манзилимиз, ўқиш ва иш жойларимиз, одамларнинг ҳаётидаги ўзгаришларда кўриб турибмиз. Ҳақиқатан ҳам ҳудудларда янги уй-жойлар, боғча ва мактаблар, олийгоҳлар, маданият ва спорт масканлари

қад кўтармоқда. Юртимиз тобора обод қиёфа касб этиб бормоқда. Минглаб юртдошларимиз Янги йилни янги уйларда қутиб олмоқда. Бундай бунёдкорлик ишлари халқимизнинг фидойи меҳнати, давлатимизнинг оқилона сиёсати натижасидир.

Ўз фаолиятимиз ва йўналишимиздан келиб чиқиб айтадиган бўлсам, бугун одамлар анча фаол, сиёсий уйғоқ ва ўзининг мустақил фикри, аниқ мақсадларига эга. Бу албатта одамни қувонтиради, ишчимизга янги руҳ ва ташаббус билан ёндашишга илҳом беради.

"UZAUTO MOTORS" қўшма корхонасида Ўзбекистон Халқ демократик партиясининг бошланғич ташкилоти тузилган. Мана 3 йилдирки, ушбу кичик бўғинни бошқариб келяман. 1991 йилда янги ташкил топганида 272 нафар аъзо бўлган, ҳозирга келиб аъзолар сони 1500 га яқинлашди. Яқинда жамоамиздаги 130 нафар ёшлар партиямиз сафига қабул қилинди. Партиямиз тарафдорлари, аъзоларимиз сони ортиб бораётгани ижтимоий соҳадаги ташаббусларимизни амалга оширишда муҳим аҳамият касб этди.

Хайрли ташаббуслар, ютуқ ва марраларга бой бўладиган йилда тинчлик ва осойиштагимиз бардавом бўлишига тилак билдираман.

"Ўзбекистон овози" мухбири  
Зилола УБАЙДУЛЛАЕВА ёзиб олди.

# “

ЮРТИМИЗДА БУНДАЙ КЕНГ ҚЎЛАМЛИ МАҚСАДЛАРНИНГ САМАРАЛИ АМАЛГА ОШИРИЛИШИГА ҲИССА ҚЎШИШ УЧУН АЛБАТТА ЭНГ АВВАЛО, ҲАР БИР ШАХС ЎЗ ОЛДИГА ВАЗИФАЛАР БЕЛГИЛАБ ОЛИШИ ЗАРУР. БИЗ ҲАМ ДЕПУТАТ СИФАТИДА ЎЗ ОЛДИМИЗГА ҚАТОР МАСАЛАЛАРНИ ҚЎЙГАНМИЗ. ҚОНУН ИЖОДКОРЛИГИ ЙЎНАЛИШИДА ҲАМ ТАШАББУСЛАРИМИЗ БОР. УЙЛАЙМАНКИ, ЯНГИ ЙИЛИМИЗ ЯХШИ ВА БАРАКАЛИ ЙИЛ БЎЛАДИ.







ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ТАШКИЛ ЭТИЛГАНИНИНГ 33 ЙИЛЛИГИГА

# ВАТАНГА ХИЗМАТНИНГ БИР ЙИЛИ...



**МИЛЛИЙ АРМИЯМИЗ САФЛАРИДА ХИЗМАТ ҚИЛИШ – ҲАР БИР ЭР ЙИГИТ УЧУН ЮКСАК ШАРАФ ДЕМАҚДИР. БУ МУҚАДДАС ВАЗИФА НАФАҚАТ ДАВЛАТИМИЗ СИЁСАТИДА, БАЛКИ ҲАРБИЙ МУНДИР ИЧРА УРИБ ТУРГАН ҲАР БИР ЮРАҚДА, ҲАР ҚАНДАЙ ОБ-ҲАВО ВА ШАРОИТДА КЕЧА-Ю КУНДУЗ ДАВОМ ЭТАДИ. ЙИЛНИНГ ТҮРТ ФАСЛИ ГУВОҲ: ҲАРБИЙ ХИЗМАТЧИЛАРИМИЗ ЭНГ МАШАҚҚАТЛИ ЛАҲЗАЛАРДА ҲАМ ЗИММАСИДАГИ БУРЧ ВА МАСЪУЛИЯТДАН ЗАРРА ҚАДАР ЧЕКИНГАН ЭМАС.**



Ўзбекистон – Ҳиндистон: «Дўстлик – 2024» дўстлик алоқаларида ўзига хос босқич бўлди.

Дарҳақиқат, қўшинларда хизмат қилаётган ҳар бир кичик командирнинг юксак билими, кенг дунёқарашга эга бўлиши, ҳар қандай мураккаб ва ностандарт вазиятда тўғри қарор қабул қила олиши жуда муҳим. Бугунги кунда сержантлар корпусига қўйлаётган талаблар ана шу тамойиллар асосида шаклланоқда. Шунингдек, ҳарбий жамоаларда соғлом ахлоқий-руҳий муҳитни камол топтиришда кичик командирларнинг ўрни ва роли ҳам ниҳоятда муҳим.

Марказий ҳарбий округнинг «Фориш» тоғ-ўқув полигононда кичик командирлар, яъни, йўриқчи-сержантларнинг билим ва кўникмаларини ошириш мақсадида ўтказилган ўқув-ўслубий йиғинда замонавий жанг олиб бориш усуллари, шунингдек, жанговар техника ва ускуналарнинг ишлаш тартиби ва хусусиятларига алоҳида урғу берилди. Ўқувлар давомида яраланган ҳарбий хизматчига биринчи тез тиббий ёрдам кўрсатиш ва уни хавфсиз ҳудудга олиб ўтиш, гуруҳ, якка тартибда ҳаракатланиб, нишонларни йўқ қилиш ҳамда зирҳли машиналар ва артиллерия қуроллари ёрдамида шартли душманни яқсон қилиш бўйича билим ва кўникмалар оширилди.

Халқимизда «Бургутнинг кўзидан уради» деган ибора бор. Синчи ва мерганларга нисбатан ишлатиладиган бу ўхшатиш июнь ойида бўлиб ўтган Мудофаа вазирлиги Мерганларни тайёрлаш маркази жамоасининг натижаларида ҳам ўз аксини топди. Туркия Республикасида ўтказилган 11 давлатдан 36 та жамоа иштирок этган «Энг илғор мерган» халқаро мусобақасида Туркия, АҚШ, Бирлашган Араб Амирлиги, Озарбайжон, Покистон, Болгария каби дунёнинг илғор армиялари қаторида юртимиз ҳарбийлари ҳам муносиб қатнашди. Жамоамиздаги сафдошларимизнинг юқори профессионал тайёргарлиги ва ҳар бир шартдаги кўрсаткичлари мусобақанинг яқиний натижасида ўз аксини кўрсатди. Яқиний натижаларга кўра, жамоамиз мутлақ ғолибликни кўлга киритди.

Халқаро миқёсда эришаётган ютуқларимиз ҳарбий хизматчиларимизни ҳам бирдек руҳлантирган бўлса ажаб эмас. Ўзбекистон Республикаси Мудофаа вазирлиги ҳарбий хизматчилари Қозғистон Республикасида ўтказилган «Бирлестик – 2024» минтақавий халқаро ўқувларида иштирок этди. Унда Ўзбекистон ва мезбон давлатдан ташқари Озарбайжон, Қирғизистон ва Тожикистон ҳарбийлари ҳам қатнашди.

Ўқувлар «Оймаша» полигонони ва Токмак бурнидан 2 километр узоқликдаги денгиз майдонида бўлиб ўтди. Мазкур ҳамкорликдаги халқаро ўқувда иштирокчи давлат ҳарбий бўлинувчиси қуролли моҳирларни бартараф этиш бўйича қўшма операцияни ўтказди. Шунингдек, бошқа давлатлар армияси билан тажриба алмашиш, содир бўлиши мумкин бўлган турли кескин вазиятларга доимо шай туриш, энг сўнгги технологиялар ёрдамида ҳарбий хизматчилар кўникмаларини мунтазам равишда ошириб боришга алоҳида эътибор қаратилди. Мазкур ўқувлар минтақада ҳарбий ҳамкорлик ва стратегик шерикликни мустаҳкамлаш йўлидаги муҳим қадам бўлди, десак янглишмаган бўламиз.

Шунингдек, Тошкент ҳарбий округининг «Марказ» десантчилар тайёрлаш базасида доимий равишда соҳа мутахассисларининг билим ва малакаларини мустаҳкамлашга қаратилган ўқув курслари ташкил этилди.

Дарвоқе, артиллерия давлатимиз хавфсизлигининг дахлсизлигини таъминловчи, миллий

армиямизнинг салоҳиятини оширувчи қўшин турларидан бири саналади. Доимий ўтказиб келинадиган ўқув машғулоти жанговар тайёргарлиқни янада ошириш имкониятини беради. Бу галги «тревога» ҳам Мудофаа вазирлиги тизимида фаолият юритаётган артиллерия қўшинларининг ҳушёрлигини яна бир бор синовдан ўтказди.

Йиғин нуқтаси Марказий ҳарбий округнинг «Каттақўрғон» дала-ўқув майдони этиб белгиланди. «Тревога» сигналдан сўнг Тошкент, Марказий ҳамда Жануби-ғарбий маҳус ҳарбий округлардан йўлга отланган соҳа мутахассислари даставвал ҳарбий техникаларни темирйўл платформасига юклашга киришди. Дастлаб темирйўл бекати, шохобчаси ва аэропорти ҳарбий ҳаракатлар таркибий бўлимига мутахассислар томонидан йўриқнома ўтирилиб, ҳарбий техника ва ҳарбий юкларни темирйўл ҳаракатчан таркиби (вагон) га юклаш бўйича



кўргазмали машғулотлар ўтказилди.

Бу ораликда Каттақўрғон гарнизонидаги ҳарбий қисм шахсий таркиби ҳам юқори жанговар шай ҳолатга келтириб, узоқ масофага автовйўл орқали марш амалга оширилди.

Сентябрь ойи ҳам ҳарбий хизматчилар ҳаётида муҳим вазифалар адо этилгани билан эсда қолди.

Ўзбекистон Республикаси Президентининг 2024 йил 27 февралдаги «Ўзбекистон Республикаси Мудофаа вазирлигининг профессионал сержантлар корпуси фаолиятини янада такомиллаштириш чора-тадбирлари тўғрисида»ги Фармони билан Мудофаа вазирлиги қўшинларида янги «бош сержант» ва «бош сержант ёрдмчиси» лавозимлари жорий этилди. Улар сержантлар таркибига мансуб контракт бўйича ҳарбий хизматчилар орасидан алоҳида танлов асосида саралаб олиниши, Термиз гарнизони ҳарбий хизматчиларининг

«Термиз» умумқўшин полигонондаги ўқув нуқталарида жисмоний ҳамда руҳий зўриқиш тўсиқларини енгиб ўтиш, тиббий тайёргарлик, алоқа воситаларидан фойдаланиш, муҳандислик назорати, ҳудуд харитаси бўйича ишлаш бўйича синовларни топиши шулар жумласидандир. Энг асосийси, ҳар бир гуруҳ, взвод ва батальон турлича топшириқларни муваффақиятли бажариб, кўзланган мақсадга эришилди.

Тизимда мунтазам равишда ўтказиб келинаётган «Кембрия патрули» мусобақаси ҳам ҳарбийларимиз учун анча омадли келди. Жорий йилги мусобақаларда 30 дан ортқ мамлакат, жумладан, Буюк Британия, АҚШ, Франция, Ҳиндистон, Германия, Италия, Латвия, Қозғистон, Туркменистон ва бошқа давлатлардан 100 дан ортқ жамоа иштирок этди. Ҳар бир жамоа 80 километрдан ортқ масофани босиб ўтиб, энг мураккаб табиий ва тактик тўсиқларни енгди. Ҳар 8-10 километрда маршрутнинг турли жойларида иштирокчилар кимёвий ва биологик таҳдид шароитида ҳаракат қилиш, ҳужум операциялари ва мураккаб жойларда йўналишни топиш каби жанговар вазифаларни бажардилар. Ўзбекистон Республикаси Мудофаа вазирлиги жамоаси юқори даражадаги профессионаллик ва ҳамжихатликни намоён этиб, ўз гуруҳида 13 та жамоа орасида биринчи ўринни эгаллади. Улар барча босқичларда зарарланган ҳудудлардан муваффақиятли тарзда ўтиб, тактик операциялардаги маҳоратини кўрсатиб, маршрутнинг биринчилар сафида яқунладилар. Йўл-йўлакай 4 та рекордни янгилаб ўтишгани таҳсинга лойиқ.

Умумий натижаларга кўра, Ўзбекистон жамоаси кумуш медалга сазовор бўлди.

Октябрь ойи Марказий ҳарбий округнинг «Фориш» тоғ полигононда Ўзбекистон ва Қозғистон Республикалари Мудофаа вазирликларининг ҳарбий хизматчилари иштирокида қўшма ҳарбий машғулотлар юқори тайёргарлик ва савияда ўтказилиши билан ёдда қолди. Ўқув машғулоти давомида икки давлат ҳарбий хизматчилари жанговар вазиятда бўлинувчиси ҳамкорликда бошқариш, давлат чегарасининг дахлсизлигини таъминлаш ва шартли душманни йўқ қилиш каби турли жанговар ҳаракатларни олиб борди. Мақсадларнинг муштарақлиги, урф-одатларнинг уйғунлиги эса бир мушт бўлиб ҳаракатланишга хизмат қилди.

Дарвоқе, юрт ҳимоячиларининг жанговар-руҳий тайёргарлигини мустаҳкамлаш, хизмат фаолиятида эришган ютуқларини муносиб рағбатлантириш, ҳарбий округлар ўртасида соғлом рақобат муҳитини шакллантириш мақсадида «Амир Темури жанговар байроғи учун» мусобақасида ҳам барча ҳарбий округ қўшинлари курашга бел боғлади.

Юқоридаги жараёнлар соҳадаги тизимли ислохотлар бераётган амалий натижаларнинг бир қисми, ҳоло. Саналмаганлари қанча... Асосийси, юртимизнинг тинч ва осуда ҳаётини асрашдек муқаддас бурчини шараф билан ўтаётган мард ўғлонлари ёруғ юз ила бундан-да юқори ва залворли чўққиларни забт этишни мақсад қилган!

**Бобур ЭЛМУРОДОВ,  
капитан.**



Март ойининг сўнгги ўн кунлигида Шарқий ҳарбий округ ҳарбий қисмларининг бирида навбатдаги назорат текшируви – синов машғулотларининг бўлиб ўтиши ҳарбий хизматчиларнинг ҳам назарий, ҳам амалий билим ва кўникмаларини синовдан ўтказган бўлса, апрель ойида халқаро алоқаларнинг янада мустаҳкамлашга хизмат қиладиган воқеаларга гувоҳ бўлди. Ҳиндистон Республикаси Қуролли Кучларининг Қуруқликдаги қўшинлари штаб бошлиғи генерал Манож Панде раҳбарлигидаги делегациянинг Ўзбекистон Республикаси Мудофаа вазирлигига ташрифида ҳам



